

PROPOZICIJE

ZA TAKMIČENJA IZ NADLEŽNOSTI KS BIH U SEZONI 2009/2010 GODINE

I OPŠTE ODREDBE

ČLAN 1.

- Košarkaški Savez BiH organizuje sva takmičenja iz svoje nadležnosti za seniore, seniorke i za mlađe kategorije.
- Pod pojmom takmičenja iz prethodnog stava podrazumijevaju se:

Prvenstvo BiH 2009/10 godine, organizuje se kroz Ligu i Play off, Prvenstvo BiH za mlađe kategorije organizuje se turnirski nakon takmičenja koja su odigrana u nižem sistemu .

- Kup takmičenja / 1/8 finala na nivou BiH/
- Međunarodne, službene i prijateljske utakmice, revijalne utakmice i druge košarkaške manifestacije.,
- Liga se igra dvostrukim bod sistemom (jedna utakmica kod kuće, jedna u gostima).
- Prvenstvo BiH 2009/10 za muškarce organizuje se kroz Ligu 12, Ligu 6 i Play-off.
- U Prvenstvu BiH 2009/10 učestvuje 12 ekipa. U završnicu Prvenstva Liga 6, uključuju se ekipe učesnice NLB Lige /2/ ŠIROKI ERONET i BOSNA ASA BH TELECOM.
- Kod Prvenstva BiH za muškarce, nakon završenog takmičenja u Ligi (12), igra se Liga 6 po dvostrukom bod sistemu i to deset kola /10/.
- Na osnovu plasmana u Ligi 6 igra se Play off za Prvaka Bosne i Hercegovine u kojem učestvuje 4 kluba, koji su se u Ligi 6 plasirali od 1. do 4.mjesta.
- Utakmice se igraju na slijedeći način:
- Prvoplasirani klub iz Lige 6 – četveroplasirani klub iz Lige 6
- Drugoplasirani klub iz Lige 6 – trećeplasirani klub iz Lige 6

PROPOZICIJE TAKMIČENJA



- Utakmice se igraju na dvije /2/ pobjede, po principu: domaćin-gost-domaćin/1-1-1/, s tim da su domaćini prvih utakmica klubovi koji su se plasirali na 1. i 2. Mjesto u Ligi 6.

U Finalu Play off-a za Prvaka Bosne i Hercegovine igraju dva /2/kluba pobjednika iz prvog kruga (1/2finala Play-off-a).Utakmice Finala Play off-a igraju se na tri pobjede /3/, po principu domaćin-gost-domaćin-gost-domaćin /1-1-1-1-1/, s tim da je domaćin prve utakmice klub koji je ostvario bolji plasman u Ligi 6..

- **KLUB KOJI OSTVARI TRI /3/ POBJEDE U FINALU PLAY OFF-a, PROGLAŠAVA SE PRVAKOM BOSNE I HERCEGOVINE U SEZONI 2009/10.**
- U Prvenstvu BiH ženskih klubova učestvuje 12 (dvanaest) ekipa. U završnicu Prvenstva LIGA 4, uključuje se ekipa učesnica WABA Regionalne lige – MLADI KRAJIŠNIK, Kod Prvenstva BiH za žene, nakon završenog takmičenja u Ligi (12), igra se Liga 4 po dvostrukom bod sistemu i to šest kola /6/.
- **PRVAK BOSNE I HERCEGOVINE 2009/10 POSTAJE PRVOPLASIRANA EKIPA LIGE 4.**

Na osnovu plasmata u okviru navedenih takmičenja dobiće se Prvak BiH i sudionici iz BiH u evropskim klupskim takmičenjima u sezoni 2009/2010 godine.

U zavisnosti od uspjeha naših klubova u NLB ligi 2009/10, te ostvarenom pravu učešća u NLB ligi 2010/11, Ligu će napustiti potreban broj najslabije plasiranih ekipa u Prvenstvu BiH 2009/10 muškarci, čime će se omogućiti da po jedna prvoplasirana ekipa iz nižeg ranga /u tri sistema takmičenja/ ostvare pravo učešća u Prvenstvu BiH 2010/11 za muškarce.

U zavisnosti od broja ekipa učesnica u WABA ženskoj regionalnoj ligi 2010/11, Ligu će napustiti potreban broj najslabije plasiranih ekipa u Prvenstvu BiH 2009/10 za žene, čime će se omogućiti da po jedna prvoplasirana ekipa iz nižeg ranga /u tri sistema takmičenja/ ostvare pravo učešća u Prvenstvu BiH 2010/11 za žene.

ČLAN 2.

Utakmice Prvenstva BiH u sezoni 2009/2010 godine, igraju se prema odredbama Košarkaških pravila Međunarodne košarkaške federacije

PROPOZICIJE TAKMIČENJA



(FIBA) izdanih - 2008. godine , odredaba ovih Propozicija, kao i odredaba normativnih akata KS BiH, koja se odnose na takmičenja.

ČLAN 3.

Organizaciju takmičenja, poštivanje odredbi Košarkaških pravila i ovih Propozicija, te ostalih pravilnika, sprovodi Komesar takmičenja KS BiH, imenovan od Predsjedništva KS BiH, a koje ujedno određuju njegova prava i obaveze. .

ČLAN 4.

Za Prvenstvo BIH u sezoni 2009/2010 godine objavljuju se prilozi Propozicija koje sadrže :

- način realizacije takmičenja,
- popise članova liga,
- raspored takmičenja,
- kalendar takmičenja,
- listu komesara,
- listu sudija,,
- sjedište Komesara takmičenja KSBIH,
- vrste i visina naknada službenim licima .

ČLAN 5.

Utakmice Prvenstva BiH u sezoni 2009/2010 godine, igraju se prema utvrđenom rasporedu i kalendaru takmičenja.

Utakmice Prvenstva BiH u sezoni 2009/2010 godine, igraju se u vremenu koje odredi domaćin utakmice, s tim što utakmica ne može početi:

- subotom i radnim danom prije 17.00 sati ni poslije 21.00 sati , a nedeljom prije 12,00 ni poslije 21,00 sat

Mjesto, dan i sat odigravanja utakmice klub domaćin dužan je pismeno prijaviti Komesaru takmičenja, najkasnije 7 dana prije odigravanja utakmice.

Utakmice se mogu igrati i izvan naznačenih termina. Odluku o promjeni utvrđenih termina donosi Komesar takmičenja.

Raspored takmičenja nije moguće mijenjati.

Izuzetno u međusobnom dogovoru, ekipe mogu pomjeriti termin odigravanja utakmice 72 sata prije ili 72 sata poslije termina predviđenog Kalendarom takmičenja.

O postignutoj saglasnosti klubovi su obavezni, u pismenoj formi, obavjestiti Komesara takmičenja.

Klub domaćin utakmice, dužan je zakazati utakmicu u vremenu koje je dogovoreno ugovorom sa TV kućom, ako tu utakmicu prenosi televizija.

Klub koji je prijavio utakmicu u određenom roku, a kasnije iz objektivnih razloga (zauzetost dvorane) mijenja satnicu ili dvoranu, može to učiniti najkasnije 3 dana prije prvobitno zakazanog termina, s tim da snosi sve administrativne troškove učinjene ovakvom promjenom (faks, telegrami - brzojavi i sl.).

Komesar takmičenja može, ukoliko smatra da je u interesu regularnosti takmičenja, odlučiti da se sve ili pojedine utakmice jednog kola igraju istog dana s početkom u isto vrijeme.

ČLAN 6.

Ukoliko se utakmica ne može odigrati u predviđeno vrijeme zbog jednog od opravdanih razloga:

- isključenje električne energije,
- isključenje ili zastoj u javnom prometu,
- vremenske nepogode,
- nedolazak sudija,

utakmica se mora odigrati u roku od 24 sata.

Ukoliko se utakmica ne može, radi opravdanih razloga, održati u roku od 24 sata od predviđenog termina početka utakmice, utakmica će se odgoditi.

Odluku o novom terminu utakmice donosi Komesar koji vodi takmičenje.

Klub domaćin snosi sve troškove gostujućoj ekipi za ponovni dolazak na utakmicu.

Ukoliko se utakmica ne odigra zbog opravdanog nedolaska gostujuće ekipe, troškove organizacije utakmice te dolaska sudija i komesara utakmice snosiće gostujuća ekipa.

Klubovi u pravilu ne mogu tražiti odlaganje utakmice osim u vanrednim okolnostima:

- zvanično proglašena epidemija od nadležnih zdravstvenih ustanova BiH,
- loša bezbjednosna situacija u dijelu ili na cijelom prostoru BiH,
- izuzetno pogoršane atmosferske (vremenske) prilike (snijeg, poplave, požari, i sl.), koje uzrokuju prekide saobraćaja.

Konačnu odluku o odlaganju utakmice ili kompletnog kola donosi Komesar takmičenja.

Prekinuta utakmica zbog opravdanog razloga ili usljed više sile nastavlja se tako što se u momentu prekida utakmice uzimaju u obzir vrijeme i rezultat.

Klub domaćin dužan je gostujućoj ekipi nadoknaditi troškove produženog boravka.

II TEHNIČKI NORMATIVI

ČLAN 7.

Utakmice Prvenstva BiH sezone 2009/2010 godine igraju se u dvoranama koje zadovoljavaju standarde propisane Pravilima košarkaške igre:



- Dvorane u kojima se igra moraju zadovoljiti tehničke i sigurnosne uvjete. Za sve što nije obuhvaćeno ovim Propozicijam primjenjivaće se prilozi propozicija usvojeni od Predjedništva KS BIH prije nastupajuće sezone i odredbe dodataka Službenih košarkaških pravila FIBA „ košarkaška oprema“.
- Pod dvorane mora biti drveni i da zadovoljava slijedeće uvjete: elastičnost, ujednačenost, mora biti lakiran, ne smije biti klizav i mora imati akustičnu mekoću.
- Igralište mora biti dimenzija i označeno na način koje je odobrila FIBA.
- Granične crte igrališta moraju biti najmanje 2m udaljene od reklama ili bilo kakve prepreke. Prostori ograničenja i središnji krug moraju biti u kontrastnoj boji u odnosno na drveni pod.
- Oko igrališta mora biti vanjska granična crta širine 2m, koja mora biti iste boje kao i prostor ograničenja.
- Sve ploče na konstrukciji moraju biti od vrste koje je odobrila FIBA.
- Ploče na konstrukciji moraju biti prozirne, u jednom komadu i od sigurnosnog stakla, dimenzija 180 cm vodoravno i 105 cm okomito.
- Donji rub ploče mora biti 290cm udaljeno od poda.
- Tehničke karakteristike i označavanje ploče mora biti po pravilima FIBA.
- Crte nacrtane na ploči moraju biti bijele boje.
- U dvorani moraju najmanje postojati dvije rezervne ploče, za slučaj loma, a na jednoj od njih mora biti pravilno montiran obruč.
- Klub mora imati potrebna tehnička sredstva i osposobljene osobe za zamjenu ploče u najkraćem mogućem vremenu.
- Klubovi moraju imati opremu za mjerenje visine obruča.

- Obručevi moraju biti zglobni, od vrste koju odobrava FIBA, i učvršćeni tako da se snaga preko obruča ne prenosi izravno na ploču.
- Obručevi moraju biti crvene boje.
- Dvorana mora imati najmanje 2 obruča u slučaju loma.
- Mrežice moraju biti bijele boje i proizvedene na način da na trenutak zadrže loptu koja prolazi kroz koš.
- Mrežice moraju biti dugačke najmanje 40, a najviše 45cm.
- U dvorani moraju biti najmanje dvije rezervne mrežice.
- Na istoj strani gdje se nalazi zapisnički sto mora se nalaziti i označen prostor za klupe. Klupe za rezervne igrače gostujuće ekipe kao i zapisnički sto moraju biti zaštićeni od svakog kontakta od gledališta. Sa svake strane zapisničkog stola moraju se nalaziti dvije stolice za izmjenu igrača.
- Dvorana mora imati najmanje jedan veliki semafor sa lako uočljivim satom s padajućim brojevima i vrlo glasnim zvučnim signalom za kraj četvrtina ili produžetka.
- Dvorana mora imati dva automatska uređaja za primjenu pravila napada od 24 sec.
- Uređaj za mjerenje 24 sec. mora biti neovisan od glavnog sata za igru, a kada se uređaj oglasi glavni sat za igru se ne zaustavlja.
- Igralište mora biti osvijetljeno s najmanje 1.000 luksa jednakomjerno po cijeloj površini igrališta, mjereno jedan metar iznad poda, a u slučaju TV prenosa osvijetljenje mora imati najmanje 1500 luksa.
- Temperatura igrališta ne smije biti ispod 16 stepeni C i mora biti jednolična što je više moguće. Ako komesar utakmice ili jedan od klubova posumnja u podatke o temperature u dvorani, komesar utakmice je dužan da izmjeri temperature u prisustvu predstavnika oba kluba i prvog sudije. Za tu svrhu klub domaćin mora da ima pripremljen termometar. Ukoliko se



utvrdi da je temperature u dvorani niža od 16 stepeni C, utakmica se može odigrati samo uz saglasnost gostujuće ekipe. Ukoliko ne postoji saglasnost gostujuće ekipe organizatoru se ostavlja 24 sata da obezbijedi potrebnu temperature u dvorani. Ukoliko organizator (klub domaćin) ne može da obezbijedi potrebnu temperature ili drugu dvoranu registrovanu za utakmicu Prvenstva BiH, utakmica će se odigrati u roku od 3 dana. Odluku o mjestu odigravanja utakmice donosi Komesar takmičenja, a troškove službenih lica i gostujuće ekipe (prevoz, smještaj, ishrana) snosi organizator utakmice (klub domaćin)

- Dvorana mora imati najmanje po jednu svlačionicu za svaku ekipu i za sudije, koje moraju biti zaključane i čuvane jer domaćin utakmice je odgovoran za predmete ostavljene u svlačionicama. Svlačionice za ekipe moraju imati klupe za najmanje 15 osoba i sto za bandažiranje. U svlačionicama za gostujuće ekipe i sudije domaćin mora obezbijediti osvježavajuća pića.
- Dvorana mora imati najmanje 800 sjedećih mjesta. Sva mjesta u dvorani moraju biti numerisana. U gledalištu svi prolazi /stepenice/ moraju biti slobodni kako bi intervencija redara bila efikasnija.
- Utakmice Prvenstva BiH sezone 2009/2010 godine igraju se MOLTEN loptama koje imaju zlatni žig FIBA-e i KS BIH.
- Domaćin susreta dužan je 30 min prije početka utakmice staviti na raspolaganje gostujućoj ekipi 4 ispravne lopte, a prvom sudiji utakmice loptu s kojom će se igrati.
- Za registraciju dvorana zadužena je Komesar takmičenja ili po njemu određena osoba. Dvorana neće biti registrovana ako nisu poštovani uslovi iz ovog člana.
- KS BIH izdaje licencu za upotrebnu dozvolu dvorane.

ČLAN 8.

Gostujuća ekipa dužna je poštivati boju dresova domaće ekipe, a shodno Pravilima košarkaške igre.

Dresovi su obilježeni preme odredbama Pravilima košarkaške igre.

ČLAN 9.

Ukoliko se na igralištu nalazi razglasni uređaj osoba koja govori na mikrofону nalazi se za posebnim stolom pokraj zapisničkog stola.

Razglasni uređaj služi samo za davanje obavještenja o utakmici.

Nije dopušteno korištenje mikrofona za poticanje navijača, komentarisanje, suđenja i slično.

Klub domaćin dužan je u dvorani osigurati stol za statističare.

III EKIPE, TRENERI I SLUŽBENE OSOBE

ČLAN 10.

Na utakmicama Prvenstva BiH sezone 2009/2010 godine, mogu nastupiti igrači i igrāčice licencirani za igru, u skladu sa odlukama Predsjedništva KS BiH, pod uslovom da nisu pod suspenzijom ili kaznom.

Svaka ekipa sastoji se od najviše 12 igrača, odnosno igračica.

Na utakmicama Prvenstva Bosne i Hercegovine sezona 2009/2010 godine, mogu nastupati i "strani" igrači (igrači koji u trenutku podnošenja zahtjeva za licenciranje nemaju "košarkašku nacionalnost" BiH) Svaka ekipa moći će za utakmicu prijaviti maksimalno 4 "strana" igrača

Igrači i igračice koji(e) imaju „košarkašku nacionalnost“ Hrvatske Crne gore ili Srbije, a koji se licenciraju do prvog roka za licenciranje imaju status domaćeg igrača.

Igrači i igračice koji imaju košarkaško državljanstvo Hrvatske ili Srbije za koje, van roka za licenciranje, bude podnesen zahtjev za licenciranje, imaju status domaćeg igrača kada su uvršteni u listu igrača.

Status stranog igrača zadržavaju po osnovu finansijskih obaveza.



Pred Ligu 6 za muškarce i Ligu 4 za žene mogu se licencirati igrači i igračice sa izlaznim pismima sa rokom od 48 sati prije odigravanja utakmica I kola. Igrači i igračice koji (e) imaju "košarkaški nacionalnost" Hrvatske, Crne gore ili Srbije ulaze u dozvoljenu kvotu od 4 "strana igrača".

Minimalni broj igrača koji mora nastupiti na utakmici je 10 (deset).

Trener ili Službeni predstavnik ekipe dužan je 30 minuta prije početka utakmice predati komesaru utakmice Listu igrača i službenih osoba (propisani obrazac), Licence igrača, trenera, pomoćnike trenera, ljekara, fizioterapeuta i službenog predstavnika kluba, izdate od strane KS BiH.

Ukoliko na utakmici nastupi igrač koji nije uredno registrovan, klub gubi utakmicu službenim rezultatom i biti će kažnjen u skladu sa Propozicijama.

Na utakmicama Prvenstva BIH /seniorke i seniori/ ekipe su dužne da nastupaju u najboljim sastavima.

ČLAN 11.

Ljekarski pregled igrača obavezan je prije početka takmičenja, ukoliko nije izvršen ljekarski pregled igrač neće biti licenciran za nastupajuću sezonu..

ČLAN 12.

Na klupi za rezervne igrače mogu sjediti osobe koje su navedene u "Listi igrača i službenih osoba" (rezervni igrači, trener, pomoćni trener, ljekar, fizioterapeut i službeni predstavnik kluba).

Treneri, pomoćni treneri i službeni predstavnik ekipe moraju biti primjereno obučeni (odijelo, sako, pantalone i košulja-jeans nije prihvatljiv).

ČLAN 13.

Službeni predstavnik domaćina, u ime kluba domaćina, odgovoran je komesaru utakmice za organizaciju utakmice.

Za vrijeme utakmice službeni predstavnik kluba domaćina mora sjediti na klupi za rezervne igrače ekipe domaćina.

Službeni predstavnik isključivo ostvaruje komunikaciju sa službenim licima delegiranim od strane Komesara takmičenja (komesar utakmice, sudije i pomoćne sudije) u predviđenom vremenu i na način propisan Službenim pravilima igre.



Službeni predstavnik ispred kluba je jedini ovlašten da službeno kontaktira Komesara takmičenja.

ČLAN 14.

Igračima, trenerima, pomoćnim trenerima i predstavnicima klubova zabranjuje se davanje izjava, koje izlaze iz okvira sportskog ponašanja, o radu službenih lica, također nije dozvoljeno davanje na uvid neslužbenim osobama dokumenta vezana za utakmicu.

ČLAN 15.

Osim službenih predstavnika kluba, svaki klub sudionik Prvenstva BiH sezone 2009/2010 godine određuje jednu odgovornu osobu kluba za ovlašteno službeno kontaktiranje sa Komesarom takmičenja.

IV KOMESAR UTAKMICE, SUDIJE I POMOĆNE SUDIJE

KOMESAR UTAKMICE

ČLAN 16.

Funkciju komesara na utakmicama Prvenstva BiH sezone 2009/2010 godine obavljaju osobe koje se nalaze na "Listi komesara" utvrđenoj nakon završenog testiranja prije početka takmičenja.

Na Listi komesara utakmica ne mogu se nalaziti osobe koje su u sudskim procesima sa Klubovima učesnicima Prvenstva BiH ili međusobnim sudskim procesima, kao ni osobe protiv kojih se vodi Disciplinski postupak u organima Košarkaškog saveza BiH.

Nominaciju komesara na utakmicama Prvenstva BiH sezone 2009/2010 godine obavlja Komesar takmičenja.

Komesar na utakmicama Prvenstva BiH sezone 2009/2010 godine mora biti odjeven u odijelo.

ČLAN 17.

Komesar kontroliše kartone pomoćnih sudija, igrača, službenog predstavnika kluba, trenera, pomoćnika trenera, ljekara i fizioterapeuta.



Komesar je dužan pratiti zbivanja u gledalištu i igralištu i, u slučaju ako je to potrebno, izvještavati sudije kako bi oni mogli pravovremeno poduzeti odgovarajuće mjere.

Komesar je odgovoran za rad pomoćnih sudija za zapisničkim stolom.

ČLAN 18.

Disciplinsku odgovornost komesara utakmice konstatuje i rješava Komesar takmičenja.

ČLAN 19.

Komesarima utakmica se zabranjuje komentarisanje za javnost svih momenata u vezi sa odigranom utakmicom.

SUDIJE

ČLAN 20.

Utakmice Prvenstva BiH sezone 2009/2010 sude sudije sa "Liste sudija" koja je utvrđena nakon završenog testiranja, prije početka takmičenja, odlukom Predsjedništva.

Na Listi sudija ne mogu se nalaziti osobe koje su u sudskim procesima sa Klubovima učesnicima Prvenstva BiH ili međusobnim sudskim procesima, kao ni osobe protiv kojih se vodi Disciplinski postupak u organima Košarkaškog saveza BiH.

Klubovi ne mogu tražiti izuzeće sudija s utvrđene liste.

Nominaciju sudija za utakmice Prvenstva BiH sezone 2009/2010 godine obavlja Komesar takmičenja.

Sudije su dužne o eventualnoj spriječenosti obavijestiti Komesara takmičenja prije nego se izvrši nominacija.

Sudije su dužne potvrdu nominacije izvršiti odmah, a najkasnije 48 sati po prijemu iste, u protivnom će se smatrati da je ista neopravdano otkazana.



Sudije su dužne da budu u dvorani 1 sat prije zakazanog početka odigravanja utakmice.

Sudije u toku jednog dana mogu da sude samo jednu utakmicu. Samo u izuzetnim slučajevima, ako je takmičenje turnirskog tipa, a po odobrenju Komesara takmičenja ili po odluci komesara utakmice na kojoj se zateknu, a na utakmici se nije pojavio jedan od sudija.

ČLAN 21.

Ukoliko sudija odnosno sudije ne dođu na utakmicu, komesar utakmice određuje zamjenu među prisutnim sudijama sa Liste sudija, uz konsultaciju sa komesarom takmičenja.

Ukoliko ne postoji uvjet za ispunjavanje prethodnog stava, komesar će odrediti da se utakmica odigra uz prisustvo dvojice sudija.

Ukoliko ne postoji uvjet za ispunjavanje prethodnog stava, komesar će odložiti utakmicu o čemu je dužan odmah obavjestiti Komesara takmičenja

Odluku o novom terminu odigravanja utakmice donijet će Komesar takmičenja.

ČLAN 22.

Sudije su potpuno samostalne u donošenju odluka.

Prvi sudija smatra se odgovornim u djelokrugu ovlaštenja propisanih košarkaškim Pravilima.

ČLAN 23.

Prvi sudija odlučuje o prekidu utakmice i djelomičnom ili potpunom pražnjenju dvorane u slučaju da gledaoci nesportskim navijanjem, uvredljivim i vulgarnim dobacivanjem vrijeđaju jednu od ekipa, sudije ili službene osobe.

Odluku o nastavku utakmice u djelomično ili potpuno ispražnjenoj dvorani ili definitivnom prekidu utakmice, također donosi prvi sudija utakmice.

ČLAN 24.

Sudijama se zabranjuje komentarisanje, za javnost, svih momenata u vezi sa odigranom utakmicom.

Sudije su dužne nakon utakmice obaviti sve obaveze vezane za utakmicu.

Nakon utakmice sudije i pomoćne sudije mogu napustiti dvoranu tek po odobrenju komesara utakmice.

ČLAN 25.

Disciplinsku odgovornost sudija koji ne poštuju odredbe košarkaških Pravila i svoju dužnost neobavljaju u skladu s ovim Propozicijama, konstatuje i rješava Komesar takmičenja.

U slučajevima vezanim za povrede ovih Propozicija, kaznu izriče Komesar takmičenja, a u slučaju povrede košarkaških Pravila kaznu izriče Komesar takmičenja, na osnovu stručnog mišljenja nadležnog organa Sudijske Komisije KS BiH / najvaljena Žalba na utakmicu od strane kluba u vezi suđenja, te na osnovu traženja Komesara takmičenja u vezi davanja stručnog mišljenja o suđenju/.

POMOĆNE SUDIJE

ČLAN 26.

Pomoćne sudije delegira za utakmice Prvenstva BiH u sezoni 2009/2010 godine, nadležna sudijska organizacija.

Pomoćne sudije su dužne da u dvorani za odigravanje utakmice budu 30 minuta prije početka utakmice i da se jave komesaru utakmice.

Pomoćne sudije na utakmicama moraju biti obučeni u sive majice, odnosno u majicu i pulover sive boje.

ČLAN 27.

Pomoćne sudije koji ne poštuju odredbe košarkaških Pravila i svoju dužnost neobavljaju u skladu s ovim Propozicijama, a time utiču na regularnost utakmice, mogu smijeniti same Sudije.

Zamjena pomoćnih sudija može se izvršiti i na prijedlog komesara utakmice.

U tom slučaju napraviti će se stanka radi smjenjivanja pomoćnog sudije.

Komesar utakmice određuje zamjenu među prisutnim pomoćnim sudijama.

ČLAN 28.

Ukoliko se, u mjestu odigravanja utakmice, ustanovi da nema dovoljan broj osposobljenih pomoćnih sudija ili se utvrdi da nerade u skladu sa Pravilima igre i ovih Propozicija, delegiranje pomoćnih sudija obavlja Komesar takmičenja iz drugog grada.

ČLAN 29.

Disciplinsku odgovornost pomoćnih sudija koji ne poštivaju odredbe košarkaških Pravila i svoju dužnost neobavljaju u skladu s ovim Propozicijama, konstatuje i riješava Komesar takmičenja.

V IZVJEŠTAJ KOMESARA UTAKMICE

ČLAN 30.

- Obaveza komesara utakmice da dođe jedan sat prije zakazanog početka odigravanja utakmice u dvoranu i izvrši kontrolu svih tehničkih uređaja, te da utvrdi postojanost uslova za odigravanje utakmice.
- Komesar utakmice u svom Izvještaju /Obrazac 4/ unosi sva zapažanja koja su vezana za utakmicu, te daje ocjenu o organizaciji utakmice, a izvještaj komesara obavezan je u roku od 24 sata dostaviti Komesaru takmičenja elektronskom poštom.

ČLAN 31.

Službeni predstavnik domaćina dužan je neposredno nakon utakmice telefaxom poslati rezultat (obrazac 3) Komesaru takmičenja.

Originalni Izvještaj komesara utakmice (obrazac 4), zapisnik (obrazac 1) , popis igrača obje ekipe (obrazac 2), zbirnu statistiku, kao i



izjave prekršitelja ukoliko se dogode na utakmici, komesar utakmice dostavlja poštom u roku od 24 sata Komesaru takmičenja.

Obje ekipe ukoliko imaju primjedbu dužni su istu poslati (obrazac 5) elektronskom poštom, najkasnije 24 sata po odigranoj utakmici Komesaru takmičenja

ČLAN 32.

Dopunski izvještaj (obrazac 6) dostavlja se na zahtjev Komesara takmičenja

ČLAN 33.

Komesar utakmice u svom izvještaju, unosi sva zapažanja koja su vezana za utakmicu i daje ocjenu o organizaciji utakmice.

Komesar utakmice je obavezan napisati svoje mišljenje o svim spornim činjenicama..

ČLAN 34.

Sudija koji je donio odluku o isključenju igrača, trenera ili službenih osoba, dužan je obavijestiti komesara utakmice o razlogu isključenja i da li podnosi prijavu.

Ukoliko komesar utakmice, sudije podnose prijavu (obrazac 7), dužni su opisati sve sporne trenutke u vezi disciplinskog prekršaja.

ČLAN 35.

Na posebnom obrascu (obrazac 7), podnosi se prijava protiv izvršioca disciplinskog prekršaja. Komesar utakmice u posebnom izvještaju obavezno saslušava izvršioca prekršaja.

Zapisnik sa saslušanja obavezno potpisuje izvršilac prekršaja.

ČLAN 36.

Službena lica ne smiju o navodima sa utakmice obavještavati javnost.

VI DUŽNOSTI DOMAĆINA UTAKMICE

NAJAVA UTAKMICE

ČLAN 37.

Domaćin utakmice pismeno obavještava nadležnu sudijsku organizaciju (koja određuje pomoćne sudije), o vremenu i mjestu odigravanja utakmice.

Mjesto, dan i sat odigravanja utakmice klub domaćin dužan je pismeno prijaviti, najkasnije 7 dana prije odigravanja utakmice Komesaru takmičenja.

Domaćin je dužan prijaviti mjesto, dan i vrijeme odigravanja utakmice nadležnoj stanici javne bezbjednosti 48 sati prije njezina održavanja, odnosno u vremenu u kojem to zahtijeva nadležna stanica JB/PU.

SMJEŠTAJ GOSTUJUĆE EKIPE I SLUŽBENIH LICA

ČLAN 38.

Domaćin je dužan, na zahtjev gostujuće ekipe, osigurati smještaj ukoliko to oni zatraže, najkasnije 5 dana prije odigravanja utakmice.

Domaćin je dužan, na zahtjev gostujuće ekipe, osigurati termin za trening dan prije utakmice u dvorani u kojoj se igra utakmica u trajanju od 90 minuta i u vrijeme odigravanja utakmice, ukoliko to oni zatraže, najkasnije 5 dana prije odigravanja utakmice.

Domaćin je dužan osigurati smještaj sudijama i komesaru ukoliko to oni zatraže, najkasnije 5 dana prije odigravanja utakmice.

Domaćin je dužan osigurati predstavnika koji stoji na raspolaganju gostujućoj ekipi, ukoliko ova to zatraži.

REDARSKA SLUŽBA, BEZBIJEDNOST UČESNIKA, GLEDAOCI

ČLAN 39.

Domaćin je dužan na svakoj utakmici organizovati odgovarajuću redarsku službu i službu obezbjeđenja.

Domaćin je dužan osigurati osobe i pribor za sušenje mokrog dijela igrališta.

Osoba odgovorna za sprovođenje ovih odredbi je službeni predstavnik kluba.

ČLAN 40.

Dužnost domaćina je da poduzme sve potrebne mjere koje osiguravaju normalni tok odvijanja utakmice.

Domaćin snosi punu odgovornost za sve prekršaje i incidente koji se dogode na samoj utakmici ili neposredno u vezi s njom.

Za incidente koje učine gostujući navijači, odgovoran je gostujući klub.

Nije dozvoljeno nesportsko navijanje koje podstiče na nasilje, vrijeđanje na nacionalnoj, vjerskoj i rasnoj osnovi kao i navijanje koje onemogućava normalni tok utakmice (zvučna pojačala, eksplozivna sredstva i sl.). Ako se u gledalištu nalazi muzički orkestar, isti mora biti smješten na tribini suprotno od zapisničkog stola.

Domaćin ne smije dozvoliti posjetiocima da na bilo koji način povrijede prostor za igru unutar ograde (nije dozvoljeno mahanje zastavama preko ograde ili iza tabli, pomicanje konstrukcije i sl.).

U slučaju nereda na terenu ili u dvorani, domaćin mora poduzeti sve mjere i potpuno zaštititi sve članove obje ekipe, sudije i komesara utakmice.

Dužnost domaćina je da osigura njihov nesmetan odlazak u svlačionicu, a članovima gostujuće ekipe, sudijama i komesaru odlazak iz grada.

Svaki pokušaj napada na obje ekipe i službena lica bit će kažnjen.

ČLAN 41.

Za svaki prekršaj koji učini klub domaćin, Komesar takmičenja izreći će kaznu u skladu s kriterijima za izricanje kazni prema ovim Propozicijama i Disciplinskom pravilniku KS BiH.

ZDRAVSTENA ZAŠTITA, SREDSTVA JAVNOG INFORMISANJA

ČLAN 42.

Domaćin osigurava zdravstvenu službu - dežurnog ljekara, koji raspolaže materijalom za ukazivanje prve pomoći., u prostoriji, a gdje se može izvršiti i doping kontrola.

Doping kontrola se vrši u skladu sa propisima FIBA i odgovarajućim aktima KS BiH.

Domaćin utakmice dužan je osigurati odgovarajući prostor za sredstva javnog informisanja.

VIDEO SNIMAK, STATISTIKA

ČLAN 43.

Domaćin utakmice dužan je SVE utakmice snimiti na video kasetu ili dvd , te je obavezan snimku /nakon utakmice/ dostaviti u kancelariju KS BIH u roku 2 dana po odigranoj utakmici.

Ukoliko je na utakmici uložena žalba, domaćin utakmice dužan je video kasetu ili dvd sa snimkom utakmice uručiti komesaru utakmice koji će je, zajedno sa ostalim materijalom dostaviti Komesaru takmičenja.

Na svim utakmicama Prvenstva BiH sezone 2009/2010 vodi se statistika za svaku ekipu posebno. Na utakmicama Prvenstva BiH za muškarce/ žene statistika se vodi elektronski,. Po jedan primjerak statistike uručuje se nakon druge i četvrte četvrtine te nakon eventualnih produžetaka svakoj ekipi.

Sumarna statistika, uručuje se komesaru utakmice.

Domaćin utakmice obavezan je sumarnu statistiku poslati elektronskom poštom u KS BiH po završetku utakmice.

Statistika se može pratiti i na web stranici KSBIH play by play ukoliko je klub domaćin osigurao uslove za ovakav način komuniciranja.

Domaćin utakmice određuje statističare utakmice i odgovoran je za njihov rad.

Domaćin je dužan uručiti i video kasetu ili DVD komesaru utakmice po završetku utakmice, a koji će istu uručiti gostujućoj ekipi prije napuštanja mjesta odigravanja utakmice.

DRŽAVNA OBILJEŽJA

ČLAN 44.

Domaćin je dužan, na svakoj utakmici, na vidnom mjestu postaviti državnu zastavu BiH.

Izgled, oblik i veličina zastave mora biti u skladu sa Zakonom utvrđenim normama.

Uz državnu zastavu, može biti istaknuta i zastava entiteta, grada i kluba.

POMOĆNI UREĐAJI

ČLAN 45.

Domaćin je dužan u dvorani osigurati za elektronsku i drugu opremu - pomoćne uređaje i to:

- Pomoćni elektronski semafor za mjerenje vremena i rezultata
- štoperica za mjerenje 24 sec. i minute odmora ,
- uređaj za objavljivanje posljednjih 10 sec napada (gong),
- svjetlomjer za mjerenje dvorane
- termometar za mjerenje temperature u dvorani
- opremu za mjerenje visine obruča
- pokazivač alternativnog posjeda lopte.

VII TOK UTAKMICE

ČLAN 46.

Početak utakmice, regulisan je košarkaškim Pravilima.

Dvadeset minuta prije početka utakmice prvi sudija provjerava da li je domaćin udovoljio odredbama košarkaških Pravila i ovih Propozicija, da li se na igralištu nalaze pomoćne sudije, te da li su svi uređaji u ispravnom stanju.

Ukoliko sudije ustanove neispravnost na uređajima, ostavit će domaćinu najviše 30 minuta da dovede uređaje u ispravno stanje. Ukoliko se kvar ne otkloni u ostavljenom roku od 30 minuta, ili ukoliko nastane kvar



na tehničkim uređajima prije početka susreta, a u vremenu od uključivanja uređaja od strane prvog sudije, pa do početka same igre, utakmica se odlaže za 24 sata, osim ako obje ekipe pristaju da utakmicu ipak odigraju.

Odluku o odgađanju utakmice za 24 sata donosi komesar utakmice.

Ukoliko se neki od uređaja pokvari za vrijeme utakmice, utakmica će se nastaviti uz pomoćne uređaje, koji su propisani Pravilima igre.

ČLAN 47.

Dvadeset (20) minuta prije početka utakmice mjerilac vremena, po odobrenju prvog sudije, uključuje sat za mjerenje vremena. Pomoćne sudije zauzimaju svoja mjesta.

Šest (6) minuta prije početka utakmice prvi sudija sirenom (zviždaljkom) poziva igrače koji se zagrijavaju da izađu van igrališta.

Spiker predstavlja gledalištu kapitena, zatim ostale igrače prema brojevima na dresovima. Predstavljaju se prvo igrači i trener gostujuće, a zatim domaće ekipe. Igrači se postavljaju iza linije slobodnog bacanja. Prilikom predstavljanja svi igrači moraju biti obučeni jednoobrazno.

Nakon predstavljanja ekipa, spiker predstavlja službena lica i ostavlja se ekipama još 3 minuta za zagrijavanje.

Nakon predstavljanja, igrači se međusobno pozdravljaju i odlaze prema svojim klupama.

Minutu prije početka utakmice mjerilac vremena vraća sat za mjerenje vremena u početni položaj, a prvi sudija daje znak da je završeno zagrijavanje. Igrači prvih petorki izlaze na teren radi početka utakmice.

Nakon završetka utakmice svi igrači izlaze na igralište, međusobno se rukuju i odlaze prema svojim klupama.

VIII NAČIN BODOVANJA I POSTUPAK PO ŽALBI

ČLAN 48.

Način bodovanja i određivanje poretka ekipa obavlja se na temelju košarkaških Pravila.

Ukoliko ekipa iz bilo kojih razloga napusti takmičenje (uključujući i Play OFF) u narednoj takmičarskoj sezoni biti će prebačena u niži stepem takmičenja bez mogućnosti nastupa u Prvenstvu BiH u prvoj narednoj takmičarskoj sezoni.

ČLAN 49.

Najavljena žalba se u pismenom obliku unosi u posebnom izvještaju – ŽALBA (obrazac 8), najkasnije 20 min. po završetku utakmice.

Podnosilac žalbe obavezan je da u posebni izvještaj unese tačne i precizne navode zbog kojih se žali. Po prijemu žalbe sudije utakmice i komesar utakmice daju svoje mišljenje i pismene izjave o navodima iznesenim u žalbi. Komesar utakmice je dužan žalbu sa prikupljenim izjavama elektronskom poštom ili putem telefaksa odmah dostaviti Komesaru takmičenja.

Detaljnija obrazloženja žalbe, žalioac može dostaviti u roku od 24 sata nakon odigrane utakmice.

Za svaku žalbu mora biti uplaćen iznos od 1.000 bodova prvi radni dan po odigranoj utakmici, a dokaz o uplati dostaviti elektronskom poštom ili telefaksom do 12,00 sati.

ČLAN 50.

Žalba koja nije najavljena potpisom kapitena, koja nije na vrijeme uručena komesaru utakmice, te žalba za koju nije uplaćen iznos u vrijednosti 1.000 bodova, neće se uzimati u razmatranje.

ČLAN 51.

Za utvrđivanje tačnog datuma kada je uplaćen iznos u vrijednosti 1.000 bodova priznaje se jedino žig banke, ili pošte na novčanoj uplatnici.

ČLAN 52.

Komesar takmičenja može žalbu usvojiti ili odbiti.

Kada žalbu odbije, utakmica se registruje postignutim rezultatom.

Kada žalbu usvoji, utakmica će se poništiti i odrediti odigravanje nove.

Ukoliko je načinjena povreda Pravila igre, koja je bitno utjecala na rezultat ili je utakmica bila neregularna zbog uslova za odigravanje utakmice koji su predviđeni Pravilima igre i Propozicijama takmičenja, a što je uslovalo da postignuti rezultat nije posljedica sportskog nadmetanja, Komesar takmičenja će žalbu usvojiti i naložiti odigravanje nove utakmice, a podnosiocu žalbe uplaćena taksa se vraća.

Ako je žalba usvojena zbog neregularnosti u procesu registracije igrača ili bilo kojeg slučaja zbog čega igrač nije imao pravo da nastupi na utakmici, Komesar takmičenja će utakmicu registrovati 20:0 protiv ekipe koja je učinila povredu Registracionog pravilnika ili povredu "prava nastupa na utakmici". Kažnjena ekipa neće dobiti jedan bod u plasmanu. Podnosiocu žalbe uplaćena taksa se vraća. Obaveza je Komesara takmičenja da u ovom slučaju podnese disciplinsku prijavu protiv odgovornih lica.

Ako je žalba zbog neregularnosti u procesu registracije igrača (greška kancelarije Saveza), Komesar takmičenja će žalbu usvojiti i naložiti odigravanje nove utakmice, a podnosiocu žalbe uplaćena taksa se vraća.

ČLAN 53.

Jednom registrovana utakmica ili donijeta odluka u vezi s takmičenjem ne može biti poništena od Komesara takmičenja.

ČLAN 54.

Odluku o žalbi Komesar takmičenja mora donijeti najkasnije u roku od 48 sati po odigranoj utakmici.

Komesar takmičenja svoju odluku saopštava elektronskom poštom /e-mail-om/ili telefaksom.

ČLAN 55.

Na odluku Komesara takmičenja dozvoljena je žalba u drugom stupnju koja se podnosi Takmičarskoj komisiji, imenovanoj od strane Predsjedništva KS BiH, i to u roku od 24 sata od prijema odluke.

Za žalbu mora biti uplaćen iznos od 1.500 bodova, u protivnom žalba se neće uzimati u razmatranje.

Odluka u drugom stupnju donosi se u roku od 48 sati i konačna je.

Takmičarska komisija svoju odluku saopštava elektronskom poštom /e-mail-om/ ili telefaksom.

ČLAN 56.

Ukoliko se žalba usvoji, žalioocu se vraća uplaćeni iznos namijenjen za troškove žalbe.

ČLAN 57.

Ukoliko žalba bude usvojena i rezultat utakmice poništen, prilikom odigravanja ponovljene utakmice troškove snosi ekipa koja je izgubila žalbeni spor.

IX KAZNENE ODREDBE

ČLAN 58.

Prekršaj ovih Propozicija kaznit će se na osnovu Člana 59.

Za teže prekršaje i prekršaje koji nisu predviđeni u Članu 59. ovih Propozicija primjenit će se odredbe Disciplinskog pravilnika KS BiH.

ČLAN 59.

Utvrđeni su kriteriji novčanih i vremenskih kazni za sljedeće vrste prekršaja klubova, igrača, sudija, komesara, trenera i drugih službenih osoba i to:



A. ORGANIZACIJA UTAKMICE

BODOVA

1. Nepravovremena i neuredna prijava utakmice	od 100 – 300
2. Nedostatak pomoćnih uređaja	od 300 – 500
3. Neispravni tehnički uređaji	od 200 – 400
4. Neosiguravanje rezervne aparature	od 200 – 400
5. Slaba organizacija zapisničkog stola	od 200 – 400
6. Nedostatak propisanih obrazaca	od 100 – 300
7. Neosiguravanje svlačionica za sudije i ekipe	od 200 – 400
8. Neosiguravanje prostorije za komesara utakmice	od 200 – 400
9. Izostanak redarske službe i službe obezbjeđenja, nedovoljan broj redara	od 500 – 1000
10. Nedovoljan broj policajaca	od 500 – 1000
11. Nepravilno obilježeni dresovi, slaba vidljivost brojeva	od 100 – 300
12. Neosiguravanje adekvatnog prostora za rezervne igrače, pomoćne sudije i stolice za izmjenu	od 200 – 400
13. Nepredočavanje kartona za trenere i ostala sl. lica	od 200 – 400
14. Neplaćanje troškova i taksi službenim licima prije utakmice	od 200 – 400
15. Nedostatak pisaće mašine	od 200 – 400
16. Neobezbjeđivanje termina za trening gostima (ako su uredno tražili)	od 200 – 400
17. Neosiguranje faksa za slanje izvještaja	od 300 – 500
18. Neosiguravanje lica i pribora za sušenje mokrog dijela terena	od 100 – 400
19. Nedovoljan broj lopti za zagrijavanje (4)	od 200 – 500
20. Nesavjesno ili djelimično snimljena utakmica video kamerom	od 800 – 1000
21. Nedostavljanje video kasete ili DVD protivničkoj ekipi ili na zahtjev Komesara takmičenja	od 250 – 2.000
22. Neprisustvo utakmici ljekara	od 300 – 500
23. Nastupanje ne registrovanog igrača za klub	1000
24. Nastupanje suspendovanog igrača za klub	1000
25. Nastupanje sa manje od 10 igrača u ekipi/čl.10/	1000
26. Nevođenje statistike i nedostavljanje statistike	od 600 - 1000

PROPOZICIJE TAKMIČENJA



- / neuredno I netačno vođenje /
- | | |
|--|---------------|
| 27. Slaba organizacija utakmice | od 300 – 500 |
| 28. Nedovoljno zaigrijana i osvijetljena dvorana | od 800 – 1000 |
| 29. Neisticanje državne zastave BIH | od 500 – 1000 |
| 30. Neadekvatna odjevenost trenera, pomoćnih trenera i službenih predstavnika (odijelo, sako, pantalone i košulja) | od 100 - 400 |

- U ponovljenim slučajevima u toku takmičenja kazne se udvostručuju.

B. NESPORTSKO PONAŠANJE GLEDALACA

- | | |
|---|------------------|
| 1. Ometanje rada službenih lica od strane neslužbenih osoba | od 300 – 1000 |
| 2. Nesportsko navijanje i ponašanje gledalaca | od 300 – 800 |
| 3. Bacanje na teren mekih predmeta | od 100 – 300 |
| 4. Bacanje na teren tvrdih predmeta | od 300 – 600 |
| 5. Bacanje na teren eksplozivnih naprava (petarde i baklje sa dimom) | od 800 – 1200 |
| 6. Narušavanje prostora za igru i ometanje normalnog toka igre | od 200 – 1000 |
| 7. Ulazak gledalaca u teren prije, za vrijeme i poslije utakmice | od 200 – 1000 |
| 8. Vrijeđanje službenih osoba i gostujuće ekipe | od 200 – 400 |
| 9. Pokušaj fizičkog napada na službene osobe i gostujuću ekipu | od 1000 – 2000 |
| 10. Ostvaren fizički napad | od 2000 – 5000 |
| 11. Ostvaren fizički napad sa prekidom utakmice zabrana igranja na svom terenu od tri do deset utakmica i novčana kazna | od 3000 – 6000 |
| 12. Incidenti koji se dogode prije i poslije utakmice a evidentirani su | od 500 – 3000 |
| 13. Vrijeđanje sudionika utakmice na vjerskoj i rasnoj osnovi | od 1.000 – 5.000 |
| 14. Bacanje u gledalište eksplozivnih naprava /petarde, dimne baklje, itd/ | od 800 – 1200 |

PROPOZICIJE TAKMIČENJA



- U ponovljenim slučajevima u toku takmičenja novčane kazne se udvostručuju.

C. NESPORTSKO PONAŠANJE IGRAČA, TRENERA I SL.OSOBA

1. Svaka dosuđena Tehnička greška igraču	100
2. Svaka dosuđena Tehnička greška treneru	200
3. Dosuđena isključujuća greška igraču	400
4. Dosuđena isključujuća greška treneru	od 400 - 1000
5. Dosuđena isključujuća greška službenih osoba	od 400 – 1000
6. Podnijeta prijava protiv igrača i trenera	od 300 – 1000
7. Podnijeta prijava protiv službenih lica	od 300 – 1000
8. Evidentirane međusobne prijetnje učesnika utakmice	500
9. Pokušaj fizičkog napada između učesnika utakmice	po 500
10. Ostvaren fizički napad između učesnika utakmice i vremenska kazna od 2 do 10 utakmica	po 1000
11. Nesportsko kritikovanje odluke sudija	od 200 – 1000
12. Nesportsko ponašanje službenih lica i trenera	od 200 – 1000
13. Nedolazak službenog predstavnika u prostoriju za sastavljanje komesarskog izvještaja	300

U ponovljenim slučajevima u toku takmičenja novčane kazne se udvostručuju.

D. NESAVJESNO OBAVLJANJE DUŽNOSTI SUDIJA I KOMESARA

1. Nepravovremeni dolazak na utakmicu	100
2. Nesportsko i neadekvatno oblačenje	200
3. Nepridržavanje Pravila igre prije utakmice	200
4. Neuredno izvršavanje odluke Organa koji vodi takmičenje	500
5. Neuredno pisanje izvještaja	od 100 – 200
6. Neispunavanje obaveza predviđenih Propozicijama	od 100 – 200
7. Nedostavljanje dokumenata u predviđenom roku	500
8. Odlazak sa utakmice bez saglasnosti komesara	od 100 – 200
9. Neobjektivno prikazivanje činjenica u Izvještaju zabrane	od 2- 5 utakmica

PROPOZICIJE TAKMIČENJA



- | | |
|--|---|
| 10. Neopravdan nedolazak na utakmicu | brisanje sa liste |
| 11. Prijetnja igračima, trenerima i službenim osobama | brisanje sa liste |
| 12. Pokušaj fizičkog napada na igrače, trenere i sl. osobe | brisanje sa liste |
| 13. Fizički napad na igrače , trenere i sl. osobe | brisanje sa liste i
Disciplinska
odgovornost |
| 14. Javno kritikovanje donošenja odluka (član 24 Propozicija) | od 1000 – 2000 |
| 15. Javno kritikovanje rada Komesara takmičenja, i Arbitražne komisije | brisanje sa liste i
zabrana obavljanja
dužnosti od jednog
mjeseca do jedne
godine |
| 16. Davanje izjava koje izlaze iz okvira sportskog Ponašanja | brisanje sa liste i
zabrana obavljanja
dužnosti od jednog
mjeseca do jedne
godine |

- U ponovljenim slučajevima u toku takmičenja novčane kazne se udvostručuju.

E.

Kazne zabrane igranja, obavljanja dužnosti koje su izražene brojem utakmica, odnose se na takmičenje u kojem su izrečene. Ukoliko do kraja takmičenja nije izdržana cijela kazna, ista se prenosi na sljedeću sezonu. Isto se odnosi i na ostale službene osobe.

Osoba koja je kažnjena vremenskom kaznom (kazna izražena brojem mjeseci), za vrijeme izdržavanja kazne ne može obavljati niti jednu dužnost u košarkaškom sportu.

F.

Kazne izražene u bodovima odnose se na klubove i ekipe muškog takmičenja.

Za kazne klubovima i ekipama, ženskog takmičenja, primjenjuju se iznosi od 50% predviđenog broja bodova.

Utvrđena protuvrijednost boda, izražava se i uplaćuje u KM.

G.

Za sve nepredviđene slučajeve koji nisu obuhvaćeni članom 59. ovlašćuje se Komesar takmičenja na izricanje kazni u visini: 500-5000 bodova

H.

Ekipa koja iz neopravdanih razloga ne nastupi na utakmici, gubi utakmicu sa 20 : 0 i ne dobiva bod za tu utakmicu. Ako ekipa izgubi dvije utakmice na ovakav način, isključuje se iz takmičenja koje je u toku i u narednoj takmičarskoj sezoni biti će prebačena u niži stepen takmičenja, bez mogućnosti nastupa u Prvenstvu BiH u prvoj narednoj takmičarskoj sezoni. Ukoliko dođe do prekida utakmice, ekipa koja je izazvala prekid utakmice gubi utakmicu sa 20 :0 i ne dobiva bod za tu utakmicu. Ako ekipa izgubi dvije utakmice na ovakav način, isključuje se iz takmičenja koje je u toku i u narednoj takmičarskoj sezoni biće prebačen u niži stepen takmičenja, bez mogućnosti nastupa u Prvenstvu BiH u prvoj narednoj takmičarskoj sezoni . Ako ekipa samovoljno napusti igralište prije kraja utakmice, isključit će se iz takmičenja koje je u toku i u narednoj takmičarskoj sezoni biti će prebačena u niži stepen takmičenja, bez mogućnosti nastupa u Prvenstvu BiH u prvoj narednoj takmičarskoj sezoni .

U slučaju da za ekipu nastupi igrač koji nema pravo (suspendovan, kažnjen ili nije uredno registrovan) utakmica se registruje službenim rezultatom 20:0 za protivnički tim, a tim koji je nastupio sa igračem koji nema pravo nastupa ne dobiva 1 (jedan) bod u plasmanu. U ponovljenom slučaju ekipa se isključuje iz takmičenja, bez mogućnosti nastupa u Prvenstvu BiH u prvoj narednoj takmičarskoj sezoni . .

Član 60.

Ukoliko ekipa, trener, pomoćni trener i druge službene osobe naprave prekršaj koji podliježe disciplinskoj kazni, komesar utakmice i sudije moraju predati pismene izvještaje najkasnije 12 sati od završetka utakmice.

ČLAN 61.

Klub kojem je izrečena kazna zabrane igranja utakmice na svom terenu, dužan je prijaviti odigravanje utakmice u drugom gradu, udaljenom najmanje 50km.

ČLAN 62.

Izrečene kazne zabrane igranja izvršavaju se na utakmicama Prvenstva BiH sezone 2009/2010.

ČLAN 63.

O Disciplinskim prekršajima i prekršajima iz člana 58. i 59. ovih Propozicija koji se odnose na klubove, igrače, trenere, službene predstavnike ekipe, sudije i komesare na utakmicama Prvenstva BiH sezone 2009/2010 odluke u prvom stupnju donosi Komesar takmičenja.

Za odlučivanje po uložnim žalbama na odluke koje je izrekao Komesar takmičenja u drugom stupnju je nadležna Takmičarska komisija. Na odluku Komesara takmičenja o novčanim ili vremenskim kaznama dozvoljena je žalba u roku od 48 sati od prijema odluke uz plaćeni iznos od 1.500 bodova.

Takmičarska komisija žalbu usvaja ili odbija.

Odluka se donosi u roku 48 sati i konačna je.

X FINANSIJSKE ODREDBE

ČLAN 64.

Ekipe učesnice Prvenstva BiH sezone 2009/2010 godine, snose svoje troškove takmičenja.

Prihod ubire domaćin utakmice.

ČLAN 65.

Ekipe učesnice Prvenstva BiH sezone 2009/2010 godine finansiraju rad Komesara takmičenja i poslove organizacije.

Ekipe učesnice su dužne osigurati dovoljno sredstava iz kojih se finansira takmičenje. Visinu ukupnih troškova utvrđuje Predsjedništvo KS BiH.

Ekipe učesnice su dužne izvršiti uplatu troškova takmičenja, koji garantuju njihovo učešće, u roku koji je odredilo Predsjedništvo KS BiH.

Ukoliko se novčana potraživanja ne podmire u utvrđenom roku, smatra se da je klub odustao od takmičenja.

ČLAN 66.

Putni troškovi sudija i komesara isplaćuju se na temelju Odluke o naknadama putnih i drugih troškova za vrijeme trajanja službenog putovanja.

Ekipa domaćin susreta je obavezna izvršiti isplatu putnih troškova sudija i komesara jedan sat prije početka utakmice.

Takse službenim licima se uplaćuju na njihove žiro račune.

ČLAN 67.

Klubovi su obavezni finansijska potraživanja prema odluci Komesara takmičenja o novčanim kaznama uplatiti u roku od 3 dana od dana prijema računa, odnosno od pravosnažnosti odluke.

Ukoliko se finansijska potraživanja ne podmire u utvrđenom roku, klub je automatski suspendovan. Žalba na odluku ne odlaže njeno izvršenje.

Suspendovani klub ne može nastupiti na narednim utakmicama, a utakmice gubi bez borbe prema Pravilima igre, sve dok ne podmiri svoje finansijske obaveze.

Klub koji ne podmiri svoje finansijske obaveze prema Takmičenju, ili prema matičnom košarkaškom savezu, na osnovu odluke Komesara takmičenja, kao i na osnovu ovih Propozicija, ne može igrati utakmice u sljedećoj prvenstvenoj sezoni dok ne podmiri svoje finansijske obaveze.

ČLAN 68.

Svi iznosi navedeni u dijelu Propozicija IX izraženi su u bodovima.

Utvrđena je vrijednost boda u iznosu od 3 KM.

XI ZAVRŠNE ODREDBE

ČLAN 69.

Slučajeve koji nisu predviđeni ovim Propozicijama, rješava Predsjedništvo Košarkaškog Saveza BiH.

ČLAN 70.

Ove Propozicije, kao i službeni Bilteni Komesara takmičenja dostavljaju se učesnicima PrvenstvaBiH 2009/10 elektronskom poštom /e-mail/ i objavljuju na web stranici KSBIH.

ČLAN 70.

Ove Propozicije tumači Predsjedništvo KS BIH.

Sarajevo, 07.10.2009.godine